

**ԳԻՏԱԿԱՆ ՆՍՏԱՇՐՋԱՆ՝ ՆՎԻՐՎԱԾ ՍՄԿԿ ԿԵՆՏԿԱՆՄԻ
ԳԼԽԱՎՈՐ ՔԱՐՏՈՒՂԱՐ Լ. Ի. ԲՐԵԺՆԵՎԻ ԾՆՆԴՅԱՆ
70-ԱՄՅԱԿԻՆ**

Դեկտեմբերի 17-ին ՀՍՍՀ ԳԱ նիստերի դահլիճում տեղի ունեցավ հանրապետության գիտությունների ակադեմիայի և ՍՄԿԿ Կենտկոմին առընթեր մարքսիզմ-լենինիզմի ինստիտուտի՝ հայկական մասնաճյուղի համատեղ գիտական նստաշրջանը՝ նվիրված ՍՄԿԿ Կենտկոմի գլխավոր քարտուղար Լ. Ի. Բրեժնեևի ծննդյան 70-ամյակին։ Նստաշրջանի թեման էր. «ՍՄԿԿ քաղաքականության այժմեական պրոբլեմները ՍՄԿԿ XXV համագումարի որոշումների լույսի տակ»։ Գիտական նստաշրջանը բացեց ակադեմիկոս Գ. Բ. Ղաբիրջյանը։ Նա ասաց, որ նստաշրջանը հրավիրվել է այն օրերին, երբ ամբողջ սովետական ժողովուրդը, լենինյան կոմունիստական կուսակցության ղեկավարությամբ, կենսագործում է ՍՄԿԿ XXV համագումարի պատմական որոշումները։ ՍՄԿԿ XXV համագումարը նոր պատմական քաղաքական է դեպի կոմունիզմ ընթացող սովետական հասարակության կյանքում։ Համագումարում Լ. Ի. Բրեժնեևի տված հաշվետու զեկուցման մեջ, ՍՄԿԿ Կենտկոմի 1976 թ. հոկտեմբերյան պլենումում նրա արտասանած ճառում արված է մեր երկրում կատարված վիճխարի ստեղծարար աշխատանքի արդյունքների խոր վերլուծությունը, առաջադրված է մոտակա տարիների գործունեության շտապանքներն հիմնավորված ծրագրեր։ Գ. Ղաբիրջյանը նշեց, որ Լ. Ի. Բրեժնեևի՝ մեր ժամանակների ամենահեղինակավոր պետական ու քաղաքական գործչի, անվան հետ են անխզելորեն կապված կոմունիստական շինարարության ասպարեզում սովետական ժողովրդի ձեռք բերած վիճխարի հաշտույնները, միջազգային կոմունիստական ու բանվորական շարժման համախմբման, մարքս-լենինյան գաղափարների հաղթանակի, մարդկության խաղաղության, անվտանգության և հանգիստ ապագայի համար մղվող անդուլ պայքարը։

Նստաշրջանում «ՍՍՀՄ ժողովուրդների տնտեսական համագործակցության հարցերը ՍՄԿԿ XXV համագումարի որոշումների լույսի տակ» թեմայով զեկուցեց ՀՍՍՀ ԳԱ ակադեմիկոս Ա. Ա. Առաքելյանը։ Նա նշեց, որ միջհանրապետական կոոպերացման, սովետական ժողովուրդների տնտեսական համագործակցության և փոխօգնության հարցերը միշտ էլ եղել են մեր կուսակցության ուշադրության կենտրոնում։ Դրանց մեծ ուշադրություն նվիրվեց ՍՄԿԿ XXV համագումարում, ՍՄԿԿ Կենտկոմի գլխավոր քարտուղար Լ. Ի. Բրեժնեևի հաշվետու զեկուցման մեջ։ ՍՄԿԿ XXV համագումարի մշակած միջոցառումների հետեղական իրականացումը կապա՝ովի բոլոր հանրապետությունների և ամբողջ երկրի տնտեսական հզորության աճը և այդ հիման վրա աշխատավորների բարեկեցության զգալի վերելքը։ Ե՛լ ավելի կամրապնդվեն հանրապետությունների տնտեսական կապերը և կմեծանա նրանցից յուրաքանչյուրի ներդրումը համապետական խնդիրների լուծման մեջ։

«ՍՄԿԿ XXV համագումարը համաշխարհային հեղափոխական պրոցեսի արդի էտապի մասին զեկուցումով հանգես եկավ պատմական գիտությունները դոկտոր Վ. Ն. Ներկարաբյանը։ Նա նշեց ՍՄԿԿ Կենտկոմի գլխավոր քարտուղար Լ. Ի. Բրեժնեևի ակնառու ներդրումը միջազգային կոմունիստական ու բանվորական շարժման հետագա համախմբման գործում, սոցիալիստական երկրների մերձեցման պրոցեսում, նրանց փոխադարձ կապերի խորացման և զարգացման ասպարեզում։ Արդի դարաշրջանի գլխավոր բովանդակությունը, ասաց զեկուցողը, անցումն է կապիտալիզմից դեպի սոցիալիզմ։ այդ համապարփա՞ պրոցեսը սկսվեց մեծ Հոկտեմբերի հաղթանակի շնորհիվ։

ՍՄԿԿ XXV համագումարի տեսական ընդհանրացումները, վերջում ասաց Վ. Ն. Ներկարաբյանը, որոնք վերաբերում են համաշխարհային հեղափոխական պրոցեսին, ստեղծագործական մարքսիզմի զարգացման մի նոր աստիճան են։

ՀՍՍՀ ԳԱ թղթակից-անդամ Ս. Ա. Բախունցը նստաշրջանում զեկուցեց «ՍՄԿԿ XXV համագումարը և սովետական գիտության հետագա զարգացումը» թեմայով: Մեր կուսակցությանը ու նրա Կենտկոմը,— ասաց նա,— միշտ էլ կարևոր նշանակություն են նվիրել սովետական գիտության զարգացմանը: Մեր հատուկ ուժով ընդգծվեց ՍՄԿԿ XXV համագումարում: ՍՄԿԿ Կենտկոմի գլխավոր քարտուղար Լ. Ի. Բրեժնևի զեկուցման մեջ և համագումարի ընդունած «ՍՍՀՄ ժողովրդական տնտեսության զարգացման 1976—1980 թվականների հիմնական ուղղությունները» որոշման մեջ արտացոլված է սովետական գիտության հարաճուն դերը, մեծ ուշադրություն է նվիրված նրա հետագա զարգացման հարցերին: Լ. Ի. Բրեժնևի հաշվետու զեկուցման մեջ հատկապես ընդգծվեց, որ անհրաժեշտ է է՛լ ավելի կատարելագործել գիտության կառավարումը, լավագույն պայմաններ ստեղծել ժողովրդական տնտեսության մեջ նրա նվաճումների արագ օգտագործման համար:

Նստաշրջանի մասնակիցները մեծ ոգևորությամբ ընդունեցին ողջույնի նամակ՝ հասցեագրված ՍՄԿԿ Կենտկոմի գլխավոր քարտուղար Լ. Ի. Բրեժնևին:

Գիտական նստաշրջանին մասնակցում էր ՀԿԿ Կենտկոմի գիտության և ուսումնական հաստատությունների բաժնի վարիչ Ցա. Ի. Խաչիկյանը: